



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ**

No 187-Ա/Ձ

27 06

2019 թ.

«ԳՐԻ ԵՎ ԳՐԶՈՒԹՅԱՆ ԾՐԱԳՐԻ» ԻՐԱԿԱՆԱՑՄԱՆ ՄԱՍԻՆ

Համաձայն «Հայաստանի Հանրապետության 2019 թվականի պետական բյուջեի մասին» Հայաստանի Հանրապետության օրենքի, ինչպես նաև Հայաստանի Հանրապետության մշակույթի նախարարության պատվերով իրականացվող մշակութային ծրագրերի «Գրական ստեղծագործական նախագծեր և միջոցառումներ» մրցութային հանձնաժողովի 2019 թվականի ապրիլի 11-ի N 1-Ա որոշման 1-ին կետի՝ «Զարեհ Որբունու վիպային ժառանգության հանրային ներկայացումներ» ծրագրի իրականացմանն աջակցելու նպատակով

Հ Ր Ա Մ Ա Յ ՈՒ Մ Ե Մ

1. Հաստատել՝ «Զարեհ Որբունու վիպային ժառանգության հանրային ներկայացումներ» ծրագիրը՝ համաձայն հավելվածի:

2. «Հայաստանի Հանրապետության 2019 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1124. Գրքի և գրչության ծրագիր» «11005. Աջակցություն գրականության հանրահռչակմանը, գրական ծրագրերին և գրքերի միջազգային ցուցահանդեսներին մասնակցությանը» միջոցառման համար (տող՝ «Աջակցություն գրականության հանրահռչակմանը և գրական ծրագրերին») Հայաստանի Հանրապետության մշակույթի նախարարությանը նախատեսված գումարներից հատկացնել 1800.0 հազար (մեկ միլիոն ութ հարյուր հազար) դրամ՝ 2019 թվականին «Զարեհ Որբունու վիպային ժառանգության հանրային ներկայացումներ» ծրագրի իրականացման հետ կապված մասնակի ծախսերի համար:

3. Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ նախարարություն) գլխավոր քարտուղար Ս. Մուրադյանին՝ հաստատել ծախսերի նախահաշիվը և սույն հրամանի 2-րդ կետում նշված գումարը հատկացնելու համար կնքել պայմանագիր (այսուհետ՝ պայմանագիր) «Աշոտ Հովհաննիսյանի անվան հումանիտար հետազոտությունների ինստիտուտ» հասարակական կազմակերպության հետ:

4. Նախարարության՝

1) մշակութային ժառանգության և ժողովրդական արհեստների վարչության պետին՝

ա. հսկողություն իրականացնել պայմանագրի, պայմանագրով սահմանված աշխատանքների կատարման և բովանդակային հաշվետվության ներկայացման ժամկետի կատարման նկատմամբ.

բ. պայմանագրով նախատեսված բովանդակային հաշվետվությունն ստանալուց հետո՝ տասն աշխատանքային օրվա ընթացքում, դրա վերաբերյալ եզրակացությունը, տրամադրել ֆինանսատնտեսագիտական վարչությանը.


գ. մինչև պայմանագրի գործողության ժամկետի ավարտը նախարարության գլխավոր քարտուղարի հաստատմանը ներկայացնել պայմանագրով նախատեսված աշխատանքների կատարման վերաբերյալ հանձնման-ընդունման արձանագրության նախագիծը և բովանդակային հաշվետվությունը.

2) ֆինանսատնտեսագիտական վարչության պետին՝ հսկողություն իրականացնել պայմանագրով սահմանված ֆինանսական հաշվետվության ներկայացման ժամկետի կատարման նկատմամբ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ն. Խաչատուրյանին:

Ա. ՀԱՐՈՒԹՅՈՒՆՅԱՆ

27.06.2019

X 

ԱՐԱՅԻԿ ՀԱՐՈՒԹՅՈՒՆՅԱՆ

Signed by: HARUTYUNYAN ARAYIK 1209790378

Հավելված

ՀՀ կրթության, գիտության, մշակույթի և սպորտի նախարարի

« 27 » 06 2019 թ.

N 187-Ա/Ա հրամանի

ԾՐԱԳԻՐ

Զարեհ Որբունու վիպային ժառանգության հանրային ներկայացումներ

1. Կազմակերպության անվանում

«Աշոտ Հովհաննիսյանի անվան հումանիտար հետազոտությունների ինստիտուտ»

ՀԿ

2. Ծրագրի անցկացման վայրը

«Աշոտ Հովհաննիսյանի անվան հումանիտար հետազոտությունների

ինստիտուտ» ՀԿ

3. Անկացման ժամկետը

2019 թվական, հուլիս-դեկտեմբեր

4. Ծրագրի բովանդակությունը

Ներկայացված՝ «Զարեհ Որբունու վիպային ժառանգության հանրային ներկայացումներ» ծրագրի շրջանակում Աշոտ Հովհաննիսյանի անվան հումանիտար հետազոտությունների ինստիտուտը նախատեսում է Զարեհ Որբունու վիպային գործերի վերահրատարակություն և հրատարակություն, որը պետք ուղեկցվի առաջին հատորի շնորհանդեսով:

4.1. Ծրագրի նպատակը

Ծրագրի նպատակը Որբունու վիպային գործունեության հանրահռչակումն է:

5. Ակնկալվող արդյունքները

Հրատարակությունը հասանելի կլինի Հայաստանի և Սփյուռքի գրադարաններում, հանրային միջոցառումները ուղղված կլինեն գրողների, ուսանողների, գիտնականների, խմբագիրների և ակտիվ հասարակայնության ներգրավմանը: